

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

Rješenje
po Prijavi namjere koncentracije između privrednih subjekata
Engrotuš d.d. i Tuš d.o.o. Sarajevo

Sarajevo
Septembar, 2008. godine



Broj: 01-04-26-030-8-II/08
Sarajevo, 11.09.2008. godine

Na osnovu člana 25. stav (1) tačka e), člana 42. stav (1) tačka d) i člana 43 stav (2), a u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05 i 76/07), a po Prijavi namjere koncentracije privrednog subjekta Engrotuš d.d., Cesta v Trnovlje 10a, 3000 Celje, Republika Slovenija i privrednog subjekta Tuš - društvo sa ograničenom odgovornošću za trgovinu i usluge d.o.o. Sarajevo, Safeta Zajke 269, 71000 Sarajevo, Bosna i Hercegovina, podnesenoj putem Zajedničke advokatske kancelarije Branko Marić, Dijana Ivanović, Višnja Dizdarević i Predrag Radovanović, ul. Mehmeda Spahe 26, 71000 Sarajevo, dana 01.08.2008. godine broj: 01-04-26-030-II/08, Konkurencijsko vijeće, na 71. (sedamdesetprvoj) sjednici održanoj dana 11.09.2008. godine, je donijelo

R J E Š E N J E

1. Ocjenjuje se dopuštenom koncentracija na tržištu trgovine na malo prehrambenim proizvodima, pićem i proizvodima široke potrošnje za domaćinstvo u Bosni i Hercegovini koja nastaje sticanjem kontrole kupovinom većinskog vlasničkog udjela u privrednom subjektu Tuš - društvo sa ograničenom odgovornošću za trgovinu i usluge d.o.o. Sarajevo, Safeta Zajke 269, 71000 Sarajevo, Bosna i Hercegovina, od strane privrednog subjekta Engrotuš d.d., Cesta v Trnovlje 10a, 3000 Celje, Republika Slovenija.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Dana 01.08.2008. godine Konkurencijsko vijeće je zaprimilo Prijavu namjere koncentracije od strane privrednog subjekta Engrotuš d.d., Cesta v Trnovlje 10a, 3000 Celje, Republika Slovenija (dalje u tekstu: Engrotuš ili Podnosilac prijave), kojeg zastupa Zajednička advokatska kancelarija Branko Marić, Dijana Ivanović, Višnja Dizdarević i Predrag Radovanović, ul. Mahmeda Spahe 26, 71000 Sarajevo. Prijava namjere

koncentracije se odnosi na sticanje 100,00% vlasničkog udjela u privrednom subjektu Tuš - društvo sa ograničenom odgovornošću za trgovinu i usluge d.o.o. Sarajevo, Safeta Zajke 269, 71000 Sarajevo, Bosna i Hercegovina (dalje u tekstu: Tuš).

Uvidom u dostavljenu Prijavu namjere koncentracije (u daljem tekstu: Prijava) utvrđeno je da ista nije kompletna, te da je treba dopuniti u smislu člana 30. stav (1) Zakona o konkurenciji (dalje u tekstu: Zakon) i odredbi Odluke o načinu podnošenja prijave i kriterijima za ocjenu koncentracija privrednih subjekata («Službeni glasnik BiH», broj 95/06), te je od privrednog subjekta Tuš zatražena dopuna Prijave dana 08.08.2008. godine (akt broj: 01-04-26-030-1-II/08). Podnosilac prijave je Prijavu dopunio i traženu dokumentaciju dostavio dana 14.08.2008. godine (akt broj: 01-04-26-030-2-II/08).

Po prijemu tražene dokumentacije Konkurencijsko vijeće je utvrdilo da je Prijava kompletna, te izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 03.09.2008. godine pod brojem: 01-04-26-030-5-II/08.

Podnosilac Prijave, u smislu člana 30. stav (2) Zakona je naveo da nema obavezu podnijeti zahtjev za ocjenu koncentracije nekom drugom tijelu izvan teritorije Bosne i Hercegovine.

Konkurencijsko vijeće je utvrdilo da je Prijava podnesena u Zakonom predviđenom roku u smislu člana 16. stav (1) Zakona.

Konkurencijsko vijeće u postupku ocjene predmetne koncentracije je utvrdilo sljedeće činjenice:

1. Učesnici koncentracije

Učesnici koncentracije su privredni subjekti Engrotuš d.d., Cesta v Trnovlje 10a, 3000 Celje, Republika Slovenija i privredni subjekat Tuš - društvo sa ograničenom odgovornošću za trgovinu i usluge d.o.o. Sarajevo, Safeta Zajke 269, 71000 Sarajevo, Bosna i Hercegovina.

1.1. Engrotuš

Privredni subjekat Engrotuš je osnovan 26.04.1990. godine upisom u sudski/poslovni registar Republike Slovenije pod matičnim brojem 5494516000. Osnovna djelatnost ovog privrednog subjekta je maloprodaja i veleprodaja u vlastitim tržišnim centrima, kao i iznajmljivanjem dijela prostora u navedenim centrima drugim privrednim subjektima za prodaju tekstila, obuće i sl.

Privredni subjekat Engrotuš obavlja maloprodaju u okviru svojih tržišnih centara putem vlastitih supermarketa, u kojima raspolaze sa cca. 15.000 različitih proizvoda, i to većinom prehrambenih. Veleprodaja istih proizvoda se obavlja putem «Cash and Carry» prodavnice koja se također nalazi u okviru tržišnog centra. Pružanje usluga privrednog

subjekta Engrotuš podrazumijeva izdavanje prostora u vlastitim tržišnim centrima drugim privrednim subjektima, kuglanje (American Bowling) i kinematografiju (multiplex kino dvorane). Veći dio ukupnog prihoda privredni subjekat Engrotuš ostvaruje iz maloprodaje.

Jedini dioničar i 100% vlasnik privrednog subjekta Engrotuš je fizičko lice Mirko Tuš, nastanjen u ul. (..)**¹, Slovenija. Privredni subjekat Engrotuš ima registrovano supsidijarno društvo u Bosni i Hercegovini, a to je privredni subjekat Tuš d.o.o. Bihać, Plješevička bb, Kamenica, Bihać, koje je upisano u Sudski registar privrednih društava dana 15.12.1999. godine, a koje se bavi maloprodajom i pružanjem usluga izdavanja prostora drugim privrednim subjektima unutar svojih supermarketa koji se nalaze u Velikoj Kladaši, Bužimu, Cazinu, Sanskom Mostu, Brčkom, Tuzli i Bijeljini. U svom asortimanu ima cca. 13.000 proizvoda (uglavnom prehrambenih).

Izuzev pomenutog supsidijarnog društva Tuš d.o.o. Bihać, privredni subjekat Engrotuš u vlasništvu nema 10% ili više kapitala/udjela ili prava glasa u bilo kojem privrednom subjektu u BiH, niti postoje privredni subjekti na relevantnom tržištu u kojima su članovi uprave/nadzornog odbora u isto vrijeme i članovi uprave/nadzornog odbora Podnosioca prijave.

1.2. Tuš. d.o.o. Sarajevo

Privredni subjekat Tuš je upisan u sudski registar Kantonalnog suda u Sarajevu pod matičnim brojem subjekta upisa 65-01-0064-07 dana 05.11.2007. godine. Osnovna djelatnost ovog privrednog subjekta je maloprodaja i pružanje usluga. Privredni subjekat Tuš u periodu do 31.12.2007. godine nije obavljao djelatnost niti ostvarivao prihod, s tim da postoji planirana investicija u vidu gradnje tržišnog centra u Sarajevu.

Osnivač i vlasnik privrednog subjekta Tuš je fizičko lice Ljiljanko Palac, JMBG (..)** , sa prebivalištem u ulici (..)** , Bosna i Hercegovina.

Privredni subjekat Tuš u vlasništvu nema 10% ili više kapitala/udjela ili prava glasa u bilo kojem pravnom subjektu u BiH, niti ima pravnih subjekata na tržištu proizvodnje i prodaje lijekova i farmaceutskih proizvoda u Bosni i Hercegovini u kojima su članovi uprave/nadzornog odbora u isto vrijeme i članovi uprave/nadzornog odbora privrednog subjekta Tuš.

2. Ukupni prihod učesnika koncentracije

U smislu odredbe člana 14. stav (1) tačka a) Zakona, obaveza prijave namjere koncentracije privrednih subjekata postoji ako ostvareni ukupni godišnji prihod učesnika koncentracije, ostvaren prodajom roba i/ili usluga na svjetskom tržištu, iznosi preko 100.000.000,00 KM, po završnom računu u godini koja je prethodila predmetnoj

¹ (..)** - Podaci predstavljaju poslovnu tajnu

koncentraciji pri čemu je najmanje jedan privredni subjekt registrovan na teritoriji Bosne i Hercegovine.

Ukupni godišnji prihodi učesnika koncentracije na dan 31.12.2007. godine prikazani su u Tabeli 1.

Tabela 1.

	ENGROTUŠ	TUŠ d.o.o Bihać	TUŠ d.o.o. Sarajevo
Svijet	(..)** KM	-	-
BiH	-	(..)**KM	-

Prema podacima navedenim u Tabeli 1. proizilazi da postoji obaveza podnošenja prijave namjere koncentracije u skladu sa članom 14. stav (1) tačka a) Zakona, jer ukupan godišnji prihod učesnika koncentracije iznosi preko 100.000.000,00 KM, po završnom računu u godini koja je prethodila predmetnoj koncentraciji, pri čemu je jedan privredni subjekt, učesnik koncentracije, registrovan na teritoriji Bosne i Hercegovine.

3. Pravni osnov i oblik predmetne koncentracije

Pravni osnov predmetne koncentracije je Ugovor o kupoprodaji udjela u društvu zaključen u Sarajevu dana 23.07.2008. godine (dalje u tekstu: Ugovor) između privrednog subjekta Engrotuš, zastupanog od strane Aleksander Svetelšek, Predsjednika uprave privrednog subjekta Engrotuš, i fizičkog lica Palac Ljiljanka iz Gruda, ul. (..)**, JMB (..)**, kao osnivača privrednog subjekta Tuš, zastupanog od strane Krupalija Mirsade kao punomoćnika, lična karta broj (..)** izdata od MUP KS.

Pravni oblik koncentracije je sticanje kontrole kupovinom 100,00% vlasničkog udjela u privrednom subjektu Tuš od strane privrednog subjekta Engrotuš.

Na osnovu Ugovora o kupoprodaji udjela u društvu, zaključenog u Sarajevu dana 23.07.2008. godine, kontrolu i 100% vlasničkog udjela u privrednom subjektu Tuš preuzima privredni subjekat Engrotuš, nakon što vlasnik privrednog subjekta Tuš, Ljiljanko Palac obezbijedi da privredni subjekat (..)** (u kojem isti ima vlasnički udio od (..)** %) izvrši prenos prava građenja na zemljištu označenom kao k.č. (..)** u površini od (..)** m² upisanom u PL broj (..)** KO (..)** u korist privrednog subjekta Tuš, kao i da izgradi poslovni objekat u skladu sa odredbama Ugovora.

4. Relevantno tržište predmetne koncentracije

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta («Službeni glasnik BiH», broj 18/06) čini tržište određenih proizvoda/usluga koji su predmet obavljanja djelatnosti na određenom geografskom tržištu.

Relevantno tržište proizvoda predmetne koncentraciji je tržište trgovine na malo prehrambenim proizvodima, pićem i proizvodima široke potrošnje za domaćinstvo .

Relevantno geografsko tržište predmetne koncentracije je teritorija Bosne i Hercegovine budući da učesnici predmetne koncentracije djeluju na istome.

Prema navedenom, pod relevantnim tržištem predmetne koncentracije Konkurencijsko vijeće podrazumjeva tržište trgovine na malo prehrambenim proizvodima, pićem i proizvodima široke potrošnje za domaćinstvo i pružanja usluga na cijeloj teritoriji Bosne i Hercegovine.

4.1. Analiza relevantnog tržišta

Podnosilac prijave je u Prijavi dostavio podatke o tržišnom udjelu učesnika koncentracije na relevantnom tržištu za 2007. godinu, kao i tržišni udio njihovih konkurenata, koji su dati na osnovu procjene učesnika koncentracije. U Tabeli 2. dat je pregled tržišnih udjela Podnosioca prijave i njegovih glavnih tržišnih konkurenata u Bosni i Hercegovini.

Tabela 2.

R.br.	Učesnici na tržištu	Tržišni udio (%)
1.	Interex d.o.o. Sarajevo	5,8
2.	Konzum d.o.o. Sarajevo	4,0
3.	Bingo d.o.o. Tuzla	2,0
4.	Mercator d.o.o. Sarajevo	2,0
5.	Merkur d.o.o. Sarajevo	1,0
6.	Tuš d.o.o. Bihać	0,2
7.	Ostali	85,0
8.	UKUPNO	100,00

Navedeni podaci pokazuju da je relevantno tržište slabo koncentrirano jer postoji veliki broj privrednih subjekta s pojedinačnim udjelima koji onemogućavaju stvaranje dominantnog položaja.

Iz navedenih podataka proizilazi da na relevantnom tržištu postoji jaka konkurencija, te predmetnom koncentracijom ne dolazi do značajne promjene tržišnih udjela, obzirom da je udio učesnika koncentracije na relevantnom tržištu relativno nizak.

5. Procjena efekata predmetne koncentracije

U skladu sa članom 17. Zakona, Konkurencijsko vijeće je izvršilo analizu pozitivnih i negativnih efekata namjeravane koncentracije odnosno razmotrilo sve relevantne činjenice, te ocjenilo da se ovom koncentracijom ne stvara, odnosno ne jača dominantni položaj na relevantnom tržištu trgovine na malo prehrambenim proizvodima, pićem i

proizvodima široke potrošnje za domaćinstvo i pružanja usluga na teritoriji Bosne i Hercegovine.

Učesnici koncentracije očekuju da će provođenjem predmetne koncentracije nastati pogodnosti za krajnje potrošače, kao što su: snižavanje cijena proizvoda, povećanje kvaliteta proizvoda i usluga, povećanje i proširivanje mogućnosti izbora proizvoda i usluga i dr. Također, nakon provođenja predmetne koncentracije očekuju se značajna ulaganja u tržište Bosne i Hercegovine, povećanje broja zaposlenih, povećanje kvaliteta radnih procesa i dr.

Pri donošenju ove odluke Konkurencijsko vijeće posebno je imalo u vidu da ova koncentracija nije povećala tržišne udjele učesnika koncentracije na relevantnom tržištu, te smatra da se provođenjem predmetne koncentracije zapravo ojačava položaj privrednog subjekta Tuš na relevantnom tržištu, čime bi se dugoročno mogla pojačati konkurencija na relevantnom tržištu u odnosu na trenutno stanje (Tabela 2.).

Konkurencijsko vijeće je utvrdilo da predmetna koncentracija neće sprečavati, ograničavati ili narušavati tržišnu konkurenciju na relevantnom tržištu, te je prema navedenim podacima i činjenicama odlučilo kao u dispozitivu ovoga Rješenja.

6. Administrativna taksa

Na ovo Rješenje podnosilac Prijave, u skladu sa članom 2 stav (1) tarifni broj 107 tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) dužan je platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovoga Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovoga Rješenja.

Predsjednik

Ibrica Lakišić